

TSELA YA TSHEPEDIŠO YA LENGWALO LA TUMELELO YA MEEPO YA AFRIKA BORWA



Tshepedišo ya dira kgopelo ya tumelelo ya moepo ya moswari wa tumelelo go dira ditiro tša moepo wa sekala se sennyane wa diminerale ka moka.

Ka tlase ga molao wa Afrika Borwa, methopo ya diminerale ka moka le petroleamo ke bohwa bja go tlwaelega bja batho ka moka ba Afrika Borwa gomme Mmušo ka fao ke mohlakomedi go hola maAfrika Borwa ka moka.

Molao wa Tlhabollo ya Methopo ya Diminerale le Petroleamo (MPRDA) o bea lenaneothako la pušo diminerale. Phihlelelo le tirišo ya naga ya ka godimo

ga methopo ya diminerale le petroleamo e nyaka ditokelo tša semolao sa go lekalekana le dikgahlego tše dirišwago magareng ga bengditseka ba bagolo go tlo netefatša ge eba go rafa dirafša go ka direga nageng ye dutšwego, ya setšo goba ya praebete.

Kgoro ya Methopo ya Diminerale le Enetši, yeo e etilwego pele ke Kantoro ya Tona Methopo ya Diminerale le Enetši, e rwele maikarabelo a go aba ditumelelo tša meepeo.

Dikarolwana tša molao tše dikgolo tša go amana le go aba ditumelelo ke MPRDA,

Tšhatha ya Matlafatšo ya Ekonomi ya Leago ye Theilwego ka Bophara (Tšhatha ya Meepeo), Molao wa Taolo ya Tikologo wa Bosetšhaba (NEMA).

Ditumelelo tša meepeo di ka dumelwa fela ge eba diminerale di ka rafša gabotse mo lebakeng la mengwaga ye mebedi. Tumelelo e šoma fela mo lebakeng le boletšwego ka tumelelong, leo le ka se fetego lebaka la mengwaga ye mebedi, gomme le ka mpshafatšwa ka mabaka a mararo, gomme lengwe le lengwe le se fete ngwaga o tee.

MEEPO

DIKGATO

BADIRAGATŠI

1 GO TSENYA KGOPELO

Mokgopedi o romela kgopelo ya tumelelo ya go rafa dirafša ka phothale ya onlaene ye tsebjago bjalo ka SAMRAD (Tselo ya Tshepedišo ya Methopo ya Diminerale ya Afrika Borwa). Go ya ka Molao wa Tlhabollo ya Methopo ya Diminerale le Petroleamo (MPRDA), mokgopedi o swanetše go romela kgopelo ya tumelelo ya tikologo sammaletee onlaene.



1.1 Gammogo le kgopelo, mokgopedi o swanetše go lefela tefo ya kgopelo ya go se bušetšwe morago.

1.2 **DUMELA** Kgopelo e fihlelela dinyakwa ge eba e akaretša ditokomane tše nyakwago, gomme ga go na moswari wa tumelelo yo mongwe. Molaodi wa Selete (mohlankedi yo a thwetšwego ka tlase ga Kantoro ya Tona ya Methopo ya Diminerale le Enetši) o tsebiša mokgopedi ka go ngwala mo matšatšing a 14 go kgonthiša gore kgopelo e dumeletšwe go ka lebeledišišwa.

1.3 **GANA** Ge mokgopedi a se a neelana ka ditokomane tše nyakegago ka moka, gona kgopelo e tla ganwa. Molaodi wa Selete o swanetše go tsebiša mokgopedi ka go ngwala mo matšatšing a 14 a kamogelo ya kgopelo.

1.4 Molaodi wa Selete o swanetše gore mo matšatšing a 14 a kamogelo ya kgopelo, a tsebiše mokgopedi ka go ngwala go boledišana le mongnaga, modudi goba mekgatlo ya Kgahlego le ba Kamego; gomme a romele peakanyo ya taolo ya tikologo.



TSELA YA TSHEPEDIŠO YA LENGWALO LA TUMELELO YA MEEPO YA AFRIKA BORWA

2 POLEDIŠANO LE SETŠHABA

Molaodi sa Selete o ntšha Tsebišo ya Karolo ya 10 ya MPRDA, yeo e tsomago gore Molaodi wa Selete a tsebiše mekgatlo ya kgahlego le ya kamego ka ga kgopelo ye šišintšwego le go amogela dikganetšo dife goba dife tša bona.



2.1 Go nyakega gore mokgopedi a tsebiše ka go ngwala le go boledišana le mongnaga, modudi wa semolao le mekgatlo efe goba efe ye mengwe yeo e amegago, gomme a romele dipelo tša poledišana yeo go Molaodi wa Selete mo matsatšing a 30 go tloga go letšatšikgwedi la Tsebišo ya Karolo ya 10.



2.2 Gammogo le tša kua godimo, go nyakega gore mokgopedi a romele dipego tša tikologo go Molaodi wa Selete.

2.3 **KGANETŠO** Tiragalong ya kganetšo ya Tsebišo ya Karolo ya 19, kganetšo e romelwa go Komiti ya Meepeo ya Selete le Tlhabollo (RMDEC) go lebeledišišwa.



2.3.1 GO GANA Ge RMDEC e ganana le kgopelo, mokgopedi a ka romela leswa dipeakanyo tšeo di hlamilwego leswa go RMDEC. Mokgopedi a ka romela leswa gatee ge a ganeditšwe.

2.3.2 DUMELA RMDEC e dumela kgopelo gomme ya tšwela pele go kgato ya go latela.

3 TEKOLO

Molaodi wa Selete o swanetše go kgonthiša go obamelwa ga Karolo ya 27 ya MPRDA gomme a romele kgopelo go Tona ya Methopo ya Diminerale le Enetši go lebeledišišwa. Karolo ya 27 e ngwadile dinyakwa tša kgopelo, go akaretšwa go ntšhiwa le lebaka la tumelelo ya meepeo.



3.1 Molaodi wa Selete o romela kgopelo go Tona ya Methopo ya Diminerale le Enetši go lebeledišišwa.

4 GO DUMELELWA GA LENGWALO LA TUMELELO

MATSATŠING A 60

Tona o neelana goba a ganana le kgopelo mo matsatšing a 60 a go amogela kgopelo go tšwa go Molaodi wa Selete.



4.1 Ge e atlegile, mokgopedi o swanetše go romela tumelelo ya moepo go rekhotwa kua go Kantoro ya Boingwadišo bja Dithaetlele tša Diminerale le Petroleamo mo matsatšing a 60 ka morago ga go ntšhiwa ga tumelelo. Sephetho se tsenywa ka ga Tsela ya Cadastre.



5 MEŠONGWANA YA GO RAFA DIRAFŠA E KA THOMA

